

Cylchlythyr | Circular

Adroddiad Monitro Prentisiaethau Gradd 2023/24 a 2024/25

Dyddiad: 08 Tachwedd 2023
Cyfeirnod: W23/30HE
At: Benaethiaid sefydliadau addysg uwch yng Nghymru
Penaethiaid sefydliadau addysg bellach a gyllidir yn uniongyrchol
yng Nghymru
Ymateb erbyn: 12 Rhagfyr 2023
Cyswllt: Enw: Angela West
Ffôn: 029 2085 9738
E-bost: angela.west@hefcw.ac.uk

Mae'r cylchlythyr hwn yn ei gwneud yn ofynnol i sefydliadau a gyllidir gan CCAUC i ddarparu'r [Brentisiaeth Radd Ddigidol](#) (a gyhoeddwyd ar 29 Ebrill 2018), a'r [Brentisiaeth Radd Peirianeg a Gweithgynhyrchu Uwch](#) (a gyhoeddwyd ar 1 Awst 2019), ac sydd â chymwysterau wedi'u derbyn ar y naill Fframwaith a'r llall, neu unrhyw un newydd pe'i cyflwynid, gyflwyno gwybodaeth fonitro ar gyfer prentisiaethau sydd i'w dyrannu ym mlynnyddoedd academaidd 2023/24 a 2024/25. Mae hyn yn berthnasol i brentisiaid newydd sy'n dechrau yn y naill flwyddyn academaidd a'r llall yn ei thro, a phrentisiaid sy'n parhau o flynyddoedd academaidd blaenorol.

Os oes arnoch angen y ddogfen hon
mewn fformat hygyrch arall,
anfonwch e-bost i info@hefcw.ac.uk.



Noddir gan
Lywodraeth Cymru
Sponsored by
Welsh Government

Cyflwyniad

1. Mae'r cylchlythyr hwn yn ei gwneud yn ofynnol i sefydliadau a gyllidir gan CCAUC i ddarparu'r [Brentisiaeth Radd Ddigidol](#) (a gyhoeddwyd ar 29 Ebrill 2018), a'r [Brentisiaeth Radd Peirianeg a Gweithgynhyrchu Uwch](#) (a gyhoeddwyd ar 1 Awst 2019), ac sydd â chymwysterau wedi'u derbyn ar y naill Fframwaith a'r llall, neu unrhyw un newydd pe'i cyflwynid, gyflwyno gwybodaeth fonitro am niferoedd gwirioneddol y prentisiaethau ym mlynnyddoedd academaidd 2023/24 a 2024/25. Mae hyn yn berthnasol i brentisiaid newydd sy'n dechrau yn y naill flwyddyn academaidd a'r llall yn ei thro, a phrentisiaid sy'n parhau o flynyddoedd academaidd blaenorol i mewn i 2023/24.

Cefndir

2. Fe wnaeth cylchlythyr [W23/04HE](#) a gyhoeddwyd ar 20 Mawrth 2023 wahodd sefydliadau a gyllidir gan CCAUC i gyflwyno cynigion am gyllid ar gyfer prentisiaethau gradd yn 2023/24 a 2024/25, yn erbyn un neu fwy nag un o'r llwybrau a nodir ar y [Brentisiaeth Radd Ddigidol](#) a'r [Brentisiaeth Radd Peirianeg a Gweithgynhyrchu Uwch](#).
3. Cyflwynodd sefydliadau gynigion erbyn 17 Ebrill 2023, i gael eu hystyried gan banel o Aelodau Cyngor CCAUC, ei staff ac un o swyddogion Llywodraeth Cymru ar 25 Mai 2023. Dyrannwyd niferoedd y prentisiaethau ar 31 Mai 2023, yn amodol ar dderbyn yr holl gymwysterau'n llwyddiannus ar Fframweithiau'r Prentisiaethau Gradd Digidol a Gweithgynhyrchu Uwch, neu unrhyw fframweithiau prentisiaethau gradd newydd pe cyflwynid y rhain, a chadarnhad gan Lywodraeth Cymru o'r gyllideb ar y cyfan yn 2024-25, ac yn amodol ar y broses o bontio i'r Comisiwn Addysg Drydyddol ac Ymchwil (CADY) newydd.

Monitro a chyllido

4. Fel a nodwyd yng Nghylchlythyr CCAUC [W23/04HE](#), byddwn yn ei gwneud yn ofynnol cyflwyno gwybodaeth am niferoedd y prentisiaethau a nodweddion prentisiaid ar dair adeg ym mlwyddyn academaidd 2023/24, sy'n cyfateb i dri chyfnod cyfeirio. Y cyfnodau cyfeirio yw:

Cyfnod Cyfeirio	Blwyddyn Academaidd 2023/24
Un:	01/08/2023 - 15/11/2023
Dau:	16/11/2023 - 31/03/2024
Tri:	01/04/2024 - 31/07/2024

Sylwer: Bydd y cyfnodau cyfeirio ar gyfer Blwyddyn Academaidd 2024/25 yn cael eu cadarnhau maes o law.

5. Prentisiaethau sy'n dechrau o Flwyddyn Academaidd 2022/23 ymlaen
Bydd cyfrifiadau cyllid ar gyfer prentisiaid sy'n dechrau o 2022/23 ymlaen yn wahanol i'r dull cyllido a gymhwyswyd i brentisiaid a ddechreuodd rhwng 2018/19 a 2021/22. Arferai cyllid gael ei gyfrifo ar sail cofrestru, ac ar gyfer dechreuwr o

2022/23 ymlaen cyfrifir cyllid yn seiliedig ar y gwerthoedd credyd cysylltiedig y tybir y byddant yn cael eu cwblhau y bydd prentisiaid yn eu hastudio yn ystod y flwyddyn academaidd. Mae cyllid yn ystyried gwerthoedd credydau y tybir y byddant yn cael eu cwblhau ar y rhaglen prentisiaethau gradd yn unig, ac nid yw'n cynnwys cyllido dysgu blaenorol. Y rheswm dros hyn yw er mwyn cysoni â phrif ddull cyllido addysgu CCAUC (gweler cylchlythyr CCAUC [W23/04HE](#)).

- Mae **Atodiad A** yn darparu templed ar gyfer Adroddiad Monitro i bob sefydliad ei gwblhau â gwybodaeth am brentisiaid a ddechreuodd yn 2022/23 ac sy'n parhau i mewn i 2023/24, a phrentisiaid newydd sy'n dechrau yn 2023/24.
- Bydd taliad yn cael ei wneud yn erbyn niferoedd a gyflwynwyd mewn Adroddiadau Monitro ar gyfer pob cyfnod monitro yn ystod 2023/24 a 2024/25, ar sail nifer y prentisiaethau a'r gwerthoedd credyd cysylltiedig y tybir y byddant yn cael eu cwblhau sy'n gysylltiedig â modiwlau a gymerwyd yn y flwyddyn honno.
- Mae swm y cyllid am bob gwerth credyd wedi cael ei gyfrifo gan ddefnyddio cyfanswm o £27,000 ar gyfer cwrs nodweddiadol sy'n werth 360 o gredydau, e.e. £75 am bob gwerth credyd. Felly bydd myfyriwr y disgwylir iddynt fod yn astudio 120 o gredydau'r flwyddyn ar gwrs tair blynedd yn denu cyllid o £9,000 y flwyddyn.
- Mae Atodiad A felly'n cynnwys colofn i gasglu nifer y gwerthoedd credyd y tybir y byddant yn cael eu cwblhau a gymerwyd ym mhob blwyddyn academaidd, ar gyfer prentisiaid unigol a gyflwynwyd mewn Adroddiadau Monitro.

6. Prentisiaid a ddechreuodd rhwng Blynnyddoedd Academaidd 2018/19 a 2021/22
Bydd cyllid ar gyfer prentisiaethau a ddechreuodd rhwng 2018/19 a 2021/22 ac sy'n parhau i mewn i flynyddoedd dilynol yn cael ei ddyrannu'n flynyddol ar sail pro rata yn unol â hyd y brentisiaeth fel a ddynodwyd gan y sefydliad yn eu cynnig, e.e. bydd £6,750 y flwyddyn yn cael ei ddyrannu ar gyfer prentisiaeth 4 blynedd.

- Mae **Atodiad B** yn darparu templed ar gyfer Adroddiad Monitro i bob sefydliad ei gwblhau â gwybodaeth am y prentisiaethau hynny sy'n parhau yn 2023/24 a ddechreuodd rhwng Blynnyddoedd Academaidd 2018/19 a 2021/22.
- Bydd taliad yn cael ei wneud yn erbyn niferoedd gwirioneddol y prentisiaethau a gyflwynwyd mewn Adroddiadau Monitro ar gyfer pob cyfnod monitro yn ystod 2023/24 a 2024/25, ar sail nifer a hyd y prentisiaethau.

Sylwer: Bydd templedi'r Adroddiad Monitro ar gyfer Blwyddyn Academaidd 2024/25 yn cael eu cylchredeg ar wahân yn ddiweddarach y flwyddyn nesaf.

7. Bydd y broses o gyflwyno templedi'r Adroddiadau Monitro'n ystyried y canllawiau canlynol:

- Mae templedi'r Adroddiadau Monitro'n gofyn nodi cyfrifon y prentisiaethau yn ôl cod Dosbarthiad Diwydiannol Safonol (SIC) a nodweddion y prentisiaethau. Rhaid i'r diffiniadau a ddefnyddir i gategoreiddio prentisiaid yn y templed fod yn gyson â'r rhai a fydd yn cael eu defnyddio i ddychwelyd gwybodaeth am fyfyrwyr ar [gofnod myfyrwyr HESA](#) ar gyfer 2023/24 a 2024/25. Ceir canllawiau pellach ar y templed a dylent gyfateb â'r hyn a amlinellir yng [nghanllawiau HESES/EYM](#). Lle nad oes canllawiau ar gael ar gyfer y flwyddyn

academaidd y dychwelir gwybodaeth ar ei chyfer yn yr adroddiad monitro, dylid cyfeirio at ganllawiau'r flwyddyn flaenorol.

- Dim ond unwaith yn ystod pob blwyddyn academaidd y dylid adrodd ar brentisiaid mewn Adroddiad Monitro, a dylid adrodd arnynt yn y cyfnod cyfeirio ar gyfer monitro sy'n cyfateb â chofrestriad ar raglen prentisiaeth radd,
- Rhaid i Atodiad A gynnwys y gwerthoedd credyd y tybir y byddant yn cael eu cwblhau sy'n gysylltiedig â phrentisiaid unigol a ddechreuodd yn 2022/23 ac sy'n parhau i mewn i 2023/24, a phrentisiaid newydd sy'n dechrau yn 2023/24.
- Dylai sefydliadau sicrhau bod y broses o ddychwelyd data yn Atodiad A ac Atodiad B yn cael ei chydlynu rhwng cydweithwyr sy'n gyfrifol am brentisiaethau gradd a'r rhai sy'n gyfrifol am ddychweliadau data myfyrwyr.
- Byddwn yn defnyddio'r wybodaeth a ddychwelir i dracio cynnydd a chydymffurfiaeth â blaenoriaethau CCAUC ar gyfer y rhaglen prentisiaethau gradd, ac yn adrodd yn gyhoeddus ar y rhain, yn ogystal ag wrth Lywodraeth Cymru. Byddwn hefyd yn defnyddio gwybodaeth a ddychwelir i oleuo datblygiadau polisi yn y dyfodol.
- Bydd yr holl ddata a rennir yn gyhoeddus yn ddarostyngedig i [bolisi a gweithdrefnau rheoli datgeliadau data](#) CCAUC.

Cysoni cyllid

8. Ar gyfer prentisiaid a gofrestrodd yn 2023/24 a 2024/25, byddir yn talu i sefydliadau am bob pwynt cyfeirio ar gyfer monitro yn ystod blwyddyn academaidd. Mae'r symiau a delir yn seiliedig ar ddata a ddychwelwyd i CCAUC trwy Adroddiadau Monitro fel a ddisgrifir ym mharagraffau 5 a 6.
9. Rydym yn cysoni'r data a gyflwynwyd mewn Adroddiadau Monitro â data monitro diwedd blwyddyn HESA i ystyried myfyrwyr a dynnodd yn ôl, credydau heb eu cwblhau, cydnabod dysgu blaenorol, ac unrhyw anghysonderau eraill. Bydd hyn yn cael ei ddilysu gan ddarparwyr ar gyfer data 2023/24 a 2024/25 fel rhan o [broses IRIS HESA](#) ym mis Tachwedd 2024, ac ym mis Tachwedd 2025 yn y drefn honno.
10. Y bwriad yw y bydd unrhyw wahaniaethau mewn cyllid o ganlyniad i'r ymarfer cysoni hwn yn cael eu cyfrifo ym mis Mai 2025 ar gyfer data 2023/24, ac ym mis Mai 2026 ar gyfer data 2024/25. Bydd unrhyw addasiadau'n cael eu gwneud yn erbyn taliad grant sefydliad ar yr adeg honno. Byddwn yn trafod y ffigyrau ac yn cytuno arnynt gyda phob sefydliad cyn y gwneir unrhyw addasiad.

Amserlen

11. Dychwelwch yr Adroddiadau Monitro yn Atodiad A ac Atodiad B, wedi'u cwblhau'n electronig a'u diogelu â chyfrinair, ar gyfer pob cyfnod cyfeirio, erbyn y dyddiadau ymateb a amlinellir yn y tabl isod os gwelwch yn dda. Byddwn yn anfon cyfrinair at bob sefydliad yn unigol i ddiogelu templedi wedi'u cwblhau a ddychwelir i CCAUC. Yn seiliedig ar wybodaeth fonitro a ddychwelir ar gyfer pob cyfnod cyfeirio, byddwn yn talu i sefydliadau erbyn y dyddiadau talu canlynol:

2023/24	Cyfnod monitro	Terfyn amser cyflwyno	Dyddiad talu disgwylidig
Un:	01/08/2023 - 15/11/2023	12/12/2023	Ion-24
Dau:	16/11/2023 - 31/03/2024	22/04/2024	Mai-24
Tri:	01/04/2024 - 31/07/2024	20/08/2024	Medi-24

Mae'r dyddiad talu disgwylidig yn amodol ar wirio gwybodaeth fonitro'r sefydliad gyda chyllid a ddyrannwyd ar gyfer 2023/24 a 2024/25.

Sylwer: Bydd cadarnhad o'r amserlen ar gyfer Blwyddyn Academaidd 2024/25 yn cael ei gylchredeg ar wahân yn ddiweddarach y flwyddyn nesaf.

Rhagor o wybodaeth / ymatebion i

12. E-bostiwch adroddiadau wedi'u cwblhau at Angela West (angela.west@hefcw.ac.uk) os gwelwch yn dda. Daw'r Comisiwn Addysg Drydyddol ac Ymchwil yn weithredol ar 1 Ebrill 2024, a bydd yn ymgymryd â swyddogaethau CCAUC. Bydd pwyntiau cyswllt yn y Comisiwn i gyflwyno adroddiadau ar gyfer cyfnodau cyfeirio monitro 2 a 3 ym Mlwyddyn Academaidd 2023/24 yn cael eu cyfleu i sefydliadau maes o law.

Asesu effaith ein polisïau

13. Cynhaliodd CCAUC asesiad o'r effaith er mwyn helpu i ddiogelu rhag gwahaniaethu a hybu cydraddoldeb. Fe wnaethom hefyd ystyried effaith polisïau ar y Gymraeg, a darpariaeth Gymraeg yn y sector AU yng Nghymru ac effeithiau posibl tuag at y nodau yn Neddf Llesiant Cenedlaethau'r Dyfodol (Cymru) 2015 gan gynnwys ein Hamcanion Llesiant. Cysylltwch ag equality@hefcw.ac.uk i gael rhagor o wybodaeth am asesiadau o'r effaith.